

Barakaldotar hau berezia dela ez du inork zalantzan jartzen. Batzuren ustez entrenatzaile oso ona, beste batzuk berba larregi egiten duela diote. Dena den, hor daude Athletic taldearekin lortutako

bi ligak eta kopa. Españolean ere UEFA txapelketako finalera heltzea lortu zuen. Euskal Herritik kanpo lau urte igaro eta gero, Lezamara bueltatu da berrir. Une honetan, liga txapelketako hamahiru

ihardunaldi bete direnean, Athletic erdialdean dago positibo eta negatiborik gabe. Guzti hau kontutan harturik, Clementerekin mintzatu gara eta hauexek gure galderei emandako erantzunak.

Clemente: «Onenen artean egon gaitezke»

Esperientzia falta aipatzen du behar bezain ondo ez jokatzearen aitzaki

ROMAN BASALDUA / BILBO

EGUNKARIA.— Bilbora bueltatu zinenean, itxaropen handiak zenituen. Bete al dira?

JAVIER CLEMENTE.— Nik uste pixkanaka-pixkanaka aurrerantz goazela. Dena den eta egia esateko, espero nuen baino astiroago gabiltza. Hori egia da. Plantila osoak duen kalitatea ikusi eta gero, azkarrago joan behar genuke. Dena den oraindino liga asko gelditzen zaigu eta lan ona bete dezakegu.

EGUNKARIA.— Athletic taldeko hamaikakoak bilakaera nabaria eza gutu du liga hasi zenetik eta gaur arte...

CLEMENTE.— Gauza asko ari gara aldatzen. Alde batetik taldeak gogorragoa izan behar du, eta bestetik, hasieran erritmo oso baxua bageneukan ere, gero eta hobeto ari gara. Markaketak ere bigunak ziren eta horrela jai zegoen. Nik hobeto egongo zirela uste nuen baina jokalariek esandakoaren arabera ez zeuden erritmo altu horretan jokatzeko ohitura. Seguraski denborak ekarriko du aldaketa, eta ni denboraren menpe nago. Baina gorantz goaz eta jokua sendotuz gainera. Orain arte eta atzera begiratu, etxeko partiduetan nahiko ondo jokatu dugu, normalak diren gorabeherekin. Logroñesen aurka egindako lehen zatia nire gustokoa izan zen. Bigarren zatian erritmoa jaitxi genuen eta puntu bat galdu. Etxetik kanpo mentalitatea aldatzen ari gara eta nik uste bigarren bueltarako hobeto egongo garela.

EGUNKARIA.— Zein da zuk zuzentzen duzun taldeak duen bertute eta



arazorik azpimarragarriena?

CLEMENTE.— Arazorik garrantzitsuena zalantzarik gabe, esperientzia falta da. Plantilako jokalariek gehienak oso gazteak dira eta hori nabaritu egiten da. Gaztetasunean dago bestalde, bertuterik handiena. Mutil hauek gogo biziz zelairatzen dira eta irabazteko edozer egingo lukete. Baina partiduetan zehar, nortasun falta nabaritzen zaie une konkretu

batzuetan.

EGUNKARIA.— Noraino iritsi daiteke Athletic hau?

CLEMENTE.— Denboraldi honetako ligan lehia handia dago talde guztien artean eta guztiok maila paretsua ari gara erakusten. Guri dagokigunez onenen artean egon gaitezkeela ziur nago, baina horretarako jokalariek beren gaitasunaz jabetu behar dute.

EGUNKARIA.— Gauza guztiak kon-

tutan harturik, prentsa, afizioa, taldea etabar, gustora al zaude?

CLEMENTE.— Arlo batzutan pozik nago eta beste batzuetan ez naiz baxteregustora sentitzen. Norberaren etxean egotea desiragarria da beti. Nire lanarekin konforme nago nahiz eta presa pixka batekin ari. Zaletuekin ere ez dut inolako kexarik, bai osteratik hortik entzuten diren eritzibatzuetan.

Inon egon dela ere, Athleticen izan du burua eta etxetik kanpo urteak eman arren, berriz Bilbora itzuli da, ametsa betez. Kaskar antzerako taldea txapeldun egin zuen.

ERITZIA

XABIN MAKAZAGA

Bere estiloa

Futbolari zenean «el cerebro más inteligente de España» izendatu zuen norbaitek. Marañonek lesionatu zuen betirako.

Ipswich Townera joan omen zen Bobby Robson entrenatzaile zela, Boron Liverpooletara joan zen moduan. Futbol inglesaren taktikak ikasi eta estiloa sortu zuen, Robsonen ikasketak Bilbora egokituz. Argoterekin hegalean, aspaldiko ekiporik onena egin zuen. Harroskoa, «liga irabaziko dugu» ere bota zuen, Athleticen alde inork errealik ematen ez zuenean.

82-83 Liga irabazi eta hurrengo urtean Ligaz gain baita Kopa ere. «Kendallek Athletic ez du sekula txapeldun egingo» esatera ausartu zen. Horretarako ez omen da entrenatzaile ona izan behar, Bilboko taldea odolean eraman baizik.

Kanpoan denbora luzez ibili arren, beti izan du Athleticera itzultzeko grina. McArthur bezala, «itzuliko naiz» agindu zuen. Hitza bete du.

«Kanterak badu etorkizuna»

R.B. / BILBO

Javier Clemente beti izan da kantera defendatzaile amorratua. Realak egindako fitxaketen aurka azaldu da eta bere ustez behe mailak zaindu behar dira, bertatik atera baitaitezke etorkizunean lehen mailako taldeetan arituko diren jokalariek. Urte batzuek barru ordea estatuen arteko mugak zabaldu egingo dira, eta horrekin batera atzerriko hainbat jokalarik izango ditugu estatuko taldeetan. Horren ondorioz liga, kopa eta UEFArako postuak lortzeko lehia zaildu egingo da.

Gaur egun gutxi dira kantera zaintzen duten taldeak. Hemendik aurrera gainera gutxiago izango dira oraindik. Zalegoak emaitza onak eskatzen ditu eta kantera eta emaitzak askotan elkarren aurkakoak dira. Clementek argi uzten du bere iritzia zein den. «Kantera zaindu behar da baina horretarako gauzak argi eduki

behar dira. Ezin zaio urtero emaitzak eskatu talde bati. UEFA postu bat lortzea oso zaila da beti, ez bakarrik kanterako jokalariekin aritzen diren taldeentzat, atzeritarrek dituztenentzat ere bai».

Reala eta Osasuna betetzen ari diren lana era baloratu egin du barakaldotarrak. «Reala gaizki ari da aspaldi honetan eta Toshack bertan egoteak Boronaten lana baldintza dezake. Zuzendaritza batzordeak Marcorekin berba egin beharko luke egoera argitzeko. Emaitza txarrak heldu dira eta jendeak Toshackek egindakoa gogoratuko du. Horrela ba Realak jasaten ari den egoera ez da oso pozik egotekoa. Osasunari buruz zer esan dezaket. Hiru urtean ez dute plantila aldatu eta talde oso sendoa bilakatu da. Bere aurka puntuak lortzea ez da batere erraza». Javier Clementek urte asko darama futbolaren inguruan. Lagun asko eta arerio asko baita, baina errealitatea hauxe da.



Lezama odolean darama.

KEPA



Kantera lantzea du oinarri.

KEPA

Pizti beltzak

X.M. / DONOSTIA

Entrenatu dituen talde guztietan 'pizti beltzak' izan ditu barakaldotarrak. Sarabia, Lauridsen, Baltasar, figurak ordezkoez aukian eser erazi ditu. Taldearen sendotasuna bilatzen du berak buruan duen futbola egiteko eta ez zaio futbol izarren indibidualtasuna atsegin.

Berez gizon polemikoa, argi hitz egiten du eta ez du urtetan pakerik ezagutu. Ezta bilatu ere. Probokatzaileria sarri, saltsa tartean ondo moldatzen da.

Andoni Zubizarretaren alde lepoa jokatu zuen, Bilbao Athleticen oioak harrapatzen ibili ohi zenean. Aretxabaletakoaren gaurko maila ikusita, ezin uka denborak arrazoia eman diola.

Ez du ausardiarik galdu, eta Realaren aurka Atotxan Loren defentsara atzeratu zuen, berriz lepoa jokatuz. Berriz asmatu egin zuen ordea.